

8. April 2016

UPA 2016/100

Siunnersuut uunga: Inatsisartunut Naalackersuisunullu il. II. Ilaasortat aningaasarsiaqartitaanerat il.il. pillugit Inatsisartut inatsisaata allanngortinneqarneranik Inatsisartut inatsisaat nr. xx, uu, qqqq 2016-imeersoq.

(Naalackersuisut siulittaasuat)

Inatsisartunut Naalackersuisunullu ilaasortat aningaasarsiaqartitaanerat pillugu Inatsisartut inatsisaata allanngortinneqarneranik Inatsisartut inatsisissaat akuersissutigineqaruni 1. Juli 2016-mi atuutilersussa q Siumumit imaattumik oqaaseqarfigissuarput.

Inatsisartut upernaakkut 2015-mi ataatsimiinneranni pineqartoq oqaluuserineqarpoq immikkoortoq 41, Siumumiillu erseqqilluinnartumik oqaatigaarput itigartinneqassasoq, amerlanerussuteqartulli akuersinerat aallaavigalugu Naalackersuisut peqquneqarput inatsisip allannguutissaanik saqqummiusseqqullugit.

Inatsisartut Naalackersuisullu atugaat pitsanngorsarniarlugit qinerseqqinnissami atorneqartus-sanik naleqqussaasoqassasoq siumumiik inassutigivarput, taamaaliornikkut anguneqassamat nunatta ingerlatitaanerani inatsisiliortut piukkunnaatillit amerlanerusut sassarsinnaalernissaat.

28.november 2014-mi Inatsisartunut qinersisoqarmat takusinnaavarput qinikkani 31-viusuni 21-vit Nuup avataaneersuusut, ilaqquttat suliffiillu ukiumut ukiup affaa sinnerlugu qimassimaneqartarput, tassanilu tupinnangitsumik nukippassuit atorneqartarput.

Aammalu eqqaamaneqartariaqartutut oqaatigerusupparput qinikkatut sulereernermi ullormiit ullormut suliffeqalersinnaaneq ajornarluinnartarmat sualummik Naalackersuisuusimagaanni, taakkuami sulinermik saniatigut suliffinnik allanik ingerlataqarsinnaanerit inatsisitigut periarfissaqanngimmat.

Naleqqussaaqqinnermilu ilanngullugit naleqqussaavigineqassasut Siumumiit piumasarissuarput sinniisutut ilaasortaalersartut atugaat ilanngullugit naleqqussarneqassasut, taakkumi aamma tamakkiisumik qinikkatut akisussaaffeqartarput atugassarititaasullu assigiinnissaat kissaatiginarpoq.

Taamatut oqaaseqarluta 2015 upernaakkut Inatsiartut ataatsimiineranni imm. 41-up suliarinerani itigartitsereratta isumarpullu taamanermiit allanngunngimmat siunnersuutip itigartinneqarnissaa inassutigivarput.

Nikolaj Jeremiassen

Siumut